



SAOPŠTENJE ZA JAVNOST

Produžen pritvor za lice E.S. zbog osnovane sumnje u izvršenje krivičnih djela Nasilja u porodici i Nedoizvoljenog držanja oružja

(Brčko, 12.06.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH produžio je pritvor višestrukom povratniku u činjenju krivičnih djela licu E.S. (52)* iz Brčkog, zbog postojanja osnovane sumnje da je izvršio produženo krivično djelo "Nasilje u porodici" i krivično djelo "Nedoizvoljeno držanje oružja ili eksplozivnih materija".

Osnovni sud Brčko distrikta BiH utvrdio je postojanje opštih i posebnih uslova za produženje pritvora licu E.S. (52)* iz Brčkog u trajanju od 2 (dva) mjeseca zbog postojanja naročitih okolnosti koje opravdavaju bojazan da bi ukoliko bude boravio na slobodi mogao ponoviti krivično djelo "Nasilja u porodici" odnosno da bi mogao počiniti krivično djelo "Ubistavo" kojim prijeti, a za navedena krivična djela se može izreći kazna zatvora tri godine ili teža kazna.

Podsjetimo, u ranim jutarnjim satima dana 12. maja 2025.godine brzom intervencijom Policije Brčko distrikta BiH spriječeno je nastupanje daljih tragičnih posljedica usljed djelovanja lica E.S. (52)* koji je nasiljem, drskim i bezobzirnim ponašanjem fizički i psihički maltretirao bivšu suprugu S.S., više puta joj pred djecom upućivao prijetnje ugoržavanja njenog života i zdravlja, da bi navedenog dana u ranim jutarnjim satima došao ispred stana bivše supruge i pokazujući joj pušku skrivenu u torbi prijetio da će istog dana ubiti i nju i sebe, nakon što isprate zajedničko djete na eskurziju.

Nakon dolaska službenika Policije Brčko distrikta BiH, a postupajući po anonimnoj telefonskoj prijavi, osumnjičeni E.S. (52)* je počeo bježati, te odbacio je crnu sportsku torbu na javnu površinu u kojoj je odmah po tom pronađena puška sa skraćenom cijevi i kundakom oznake „M48“, u čijem spremniku su se nalazila tri metka kalibra 7,9 mm. Vrijedi ukazati da su prilikom pretresanja stana u kojem osumnjičeni živi pronađeni papiri iz čijeg sadržaja proizilazi da je osumnjičeni zbog problema koje je imao sa bivšom suprogom, namjeravao njoj i sebi oduzeti život.

U ovom krivičnom predmetu, Tužilaštvo poduzima sve zakonom propisane istražne mjere i radnje u cilju utvrđivanja svih važnih činjenica i prikupljanja dovoljnog broja kvalitetnih dokaza za dalje krivično procesuiranje odgovornog lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**